

南潯志卷十七

里人周慶雲纂

坊表

狀元坊 在北柵太平橋畔為宋紹熙甲寅上舍釋褐狀元張定立今圯

曹仁虎潯溪竹枝詞簪纓計里有輝光幾處朱門跡漸荒南渡衣冠休再問苔痕久沒狀元坊

文魁坊 在南柵箋字一圩為明成化辛卯舉人張祐立今遺址尚存

茗水遠來坊 在東柵懼字一圩為禮部尚書董份立今廢

梅林獨步坊 在東柵晏公廟右為明嘉靖辛丑進士董份萬

南潯志 卷十七 坊表

一 歷庚辰進士董嗣成萬歷癸未進士董道醇萬歷乙未進士

董嗣昭立今廢

探花坊 為嘉靖癸丑一甲三名進士溫應祿立今無攷

凌烟十俊坊 在東柵晏公廟右為萬歷癸酉舉人董道醇已

卯舉人董嗣成戊子舉人朱國禎沈鼎成崔祖錫甲午舉人

董嗣昭華士嶠莊日宣丁樹本吳時憲立今燬

四世一品坊 在東柵為明贈少師建極殿大學士朱震朱經

朱守愚及建極殿大學士贈太傅朱國禎立今圯

節孝坊 一在東柵三板橋西董進士祠內為明進士董嗣昭

妻李氏建 一在東柵下塘乾隆五十六年為邱元文妻龐

氏建 一在東柵下塘嘉慶十三年為嚴楚臣繼妻朱氏建



一在東柵下塘嘉慶十八年爲沈堪繼妻徐氏建 一在  
西柵沐鳳橋西康熙六十年爲江南舉人程嘉和繼妻潘氏  
建今圯 一在西柵外裘莊爲文學丁熊占妻嚴氏建 一  
在西柵外裘莊丁氏宗祠內爲監生丁禮妻楊氏建 一在  
西柵外九里橋西五指東壩爲邑庠生朱杰妻李氏建卽在  
墓上 一在南柵廣惠橋西塊爲陳雪川妻孫氏建 一在  
南柵新開河爲張全妻陳氏建 一在南柵孫家壩朱氏  
宗祠內嘉慶四年爲朱位南妻蔣氏建 一在南柵外豆腐  
橋北乾隆五十三年爲潘文炳妻陳氏建 一在南柵外南  
蔣港口乾隆六十年爲文學蔣慎川妻朱氏建 一在南柵  
外開濟橋東道光元年爲王岐妾葉氏建 一在南柵外東

南潯志

卷十七 坊表

二

埭蔣氏祠前咸豐五年爲候選布政司理問國學生蔣宗銜  
妻張氏建 一在南柵劉氏祠前光緒十六年爲國學生咸  
豐庚申殉難崇祀杭省昭忠祠劉保康妻陸氏工部虞衡司  
郎中劉安瀾妻一品命婦邱氏國學生劉安儻妻邵氏台建  
一在南柵孫家壩朝眞堂前光緒二十六年爲邢勝奎妻  
李氏建 一在北柵外下壩般若庵前順治十三年爲副貢  
生董廷勳妻顧氏建 一在北柵外棟五圩乾隆五十二年  
爲董耀妻嚴氏建 一在北柵外南壩乾隆五十年爲陳文  
元妻周氏建 一在北柵外瑤田村乾隆五十三年爲文學  
張駿觀妻葉氏建

節母坊

在西柵外福積橋西爲沈斗南妻陳氏建亦稱壽母



坊時年九十享壽九十四歲

貞女坊

在西柵務前為明金來聘聘妻紀氏建

俗稱牌樓裏

明朱國禎節孝紀貞女碑記

文見碑刻

一門雙節坊

一在東柵下塘乾隆五十二年為監生朱光煥

妻吳氏文學朱光炳妻程氏建

一在西柵外裘莊道光二

十一年為丁起堂妻沈氏丁源妻沈氏建

昇平人瑞坊

在東柵下塘懼字二圩光緒十五年為壽民四

品封職梅寶楚建

與四牌樓並列為五

樂善好施坊

一在南柵劉氏祠前光緒十六年為三品封職

劉煥章三品命婦吳氏十七年為三品封職劉元吉三品命

婦屠氏十九年為二品封職劉鏞二品命婦沈氏一品封職

南潯志

卷十七 坊表

三

劉安瀾一品命婦邱氏合建

一在西柵外賢人兜光緒十

七年為一品封職顧壽喬一品命婦施氏建

一在南柵外

厭三圩光緒十五年為候選員外郎邵文瑛四品命婦吳氏

談氏建